

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

XXX. Aventiure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie die konige mit ir rechen

schlaffen giengen.

XXX. Auenture.

Der tac der het nu ende. vnt nahet in die nacht.
 den wege wuden degenen. ir sorgens an vaht.
 die herren solden rowen. vnt an ir bette gan.
 das bereite Hagene. es wart in schiere chvnt getan.

Gvnther sprach zem wirt. got laze ouch mit freuden lebn.
wir wellen varn slafen. ir sult vns vrloupp gebn.
als ir vns gebietet. wir chomen morgen frvo.
er schiet von sinen gesten. vil harte minneklichen do.

Dringen allenthalben. die geste man do sach.
Volker der chvne. zo den hynen sprach.
wie getvret ir den rechen. vf die frze gan.
vnt welt irs niht ouch mazen. so wirt ir leide getan.

So slah ich eteslichem. so swären gigen slac.
hat er getriwen iemen. daz erz beweinen mac.
wan wicket ir vns rechen. ia douchet ez mich gvot.
ez heizent alle degene. vnt sint geliche niht gemvot.

Do der videläre. so zornechliche sprach.
Hagen der chvne. vber ahfel sach.
er saget ir rätet rehte. der chvne spileman.
ir Chriemhilde degene. ir sult zen herbergen gan.

Des ir da habet willen. ich wän ez iemen tvo.
welt ir sin beginnen. so chomt vns morgen frvo.
vnt lat vns wege moden. hint haben gemach.
ia wän ez von heleden. mit solchem willen ie geschach.

Do brahte man die geste. in einen witen sal.
dar inne si sit namen. den totlichen val.
da fonden si gerihet. vil manigiv bette breit.
in riet die kuneginne. die aller grözisten leit.

Vil manigen kolter spähe. von Arraz man da sach.
von vil lichten pfellen. vnt manige bette dach.
von Arabischen siden. so si beste chonden sin.
ouch lage in vf den enden. von golde herlicher schin.

Die dechelachen härmin. vil menigiv man da sach.
vnt ovch von swarcem zobeke. dar vnder si ir gemach.
des nahtes solden schaffen. vnz an den lichten tac.
ein kuncz mit sinen frivnden. nie so herlich gelach.

O we der nahtfelde. sprach Giselher daz kint.
vnt owe miner frivnde. die mit mir chomen sint.
swie et ez min swester. mir goetlich erbot.
ih fuerhte daz wir mozen. von ir schulden ligen tot.

Nu lazet iwer sorgen. sprach Hagen der degen.
ich wil der schilt wache. noch hinte selbe pflegen.
ich behvete iwech wol mit triwen. vnz vns chvmt der tac.
daz wizzet snelle degene. so geneße swer der mac.

Do nigen si im alle. vnt sagten im des danc.
si giengen zwo den betten. die wile was niht lanc.
daz sich engeftet heten. die ellenden man.
Hagene der starche. sich do wasen began.

Do sprach der videläre. Volker der degen.
verfmahtez iv niht Hagene. so wolde ich mit iv pflegen.
der schilt wache hinte. vnze morgen fruo.
der helt vil minnekliche. danchte Volkere duo.

Nu lone iv got von himele. vil edel Volker.
zallen minen sorgen. sone gert ich niemens mer.
niwan iwech aleine. swa ich hete not.
ich sol ez wol verdienen. mich enwendes der tot.

Do garten si sich beide. in lichte ir gewant.
do nam ir ietwedere. den schilt an sine hant.
vnt giengen v; dem hofe. fur die tor do stan.
do хотen si der degene. daz was mit triwen getan.

Volker der vil snelle. 30 des sales want.
sinen schilt den goten. leinte von der hant.
do gie er hin widere. die videln er genam.
do dienter sinen friunden. als ez dem degene gezam.

Vnder die tor des hofes. saz er vf den stein.
chvner videläre. diu sonne nie beschein.
do im der seiten dōnen. so svozlich erchlanch.
die stolzen ellenden. sagten im des grozen danc.

Do chlongen sine seiten. daz al daz hoos erdoz.
sin ellen 30 der svoge. diu beide warn groz.
senster vnt svoger. videln er began.
do enswebter an dem bette. vil manigen sorgenden man.

Do si wol entslafen waren. vnde er daz ervant.
do nam der degene widere. den schilt an sine hant.
do gie er v3 dem hoose. for die tore stan.
vnt hvote siner friunde. vor den Chriemhilde man.

Nach dem ersten slafe. ich wān ez e' geschach.
Volker der vil chvone. einen helm schinen sach.
verre v3 einer vinstet. die Chriemhilde man.
wolden an den gesten. schaden gerne han getan.

E' Chriemhilt dise rechen. hete dan gesant.
si sprach ob irs also vindet. durch got so sit gemant.
daz ir da slahet niemen. wan den einen man.
den vngetriwen Hagenen. die andern solt ir lebn lan.

Do sprach der videläre. no seht her Hagene.
iane zimt mir di3 märe. niht ze dagene.
ia sih ich mit gewäfen. dort her lute gan.
als ich mich versinne. ich wān si wellent vns bestan.

Nu swiget sprach do Hagene. lats vns her naher baz.
e' si vns werden innen. so wirt hie helme vaz.
mit swerten verrocket. von der minen hant.
si werdent hint ir frowen. hin wider vbele gefant.

Ein der Hünen rechen. vil schiere daz gesach.
daz diu tiure was behvetet. wie balde er do sprach.
des wir da heten willen. iane mag es niht ergan.
ich sihe den videläre. an der schilt wache stan.


Der treit vf sine houbte. einen helm glanz.
twotter vnt herte. veste vnt ganz.
ovch lohent sine ringe. sam daz siore twot.
bi im stet ovch Hagene. des sint die geste wol behvot.

Behant si widercherten. do Volker daz ersach.
zv sine hergesellen. er zorneklichen sprach.
lat mich zv den rechen. von dem hoose gan.
ich wil vragen der märe. der frown Chriemhilde man.

Nein durch mine liebe. sprach Hagene der degen.
welt ir deheines strites. mit den helden pflegen.
so bestent si ivch mit swerten. vnt bringent ivch in not.
so mwese ich iv helfen. werz aller miner mage tot.

So wir danne beide. komen inden strit.
zwene oder viere. in einer kurzen zit.
die sprongen zv dem hoose. vnt täten vns diu leit.
an den slafenden. diu nimmer werden verkleit.

Do sprach aber Volker. so lat doch daz geschehn.
daz wir si innen bringen. daz ich si habe gesehn.
daz des niht haben loogen. die Chriemhilde man.
daz si vil mortliche. gerne heten getan.



Do sprach der videläre. den honen vaste nach.
wie get ir svs gewasent. war ist ir so gach.
welt ir schaden riten. ir Chriemhilde man.
dar solt ir mih zehelpe. vnt minen hergesellen han.

Des antworte im niemen. zornic was sin mvot.
psi ir zagen böse. sprach der degen gvot.
wolt ir slafende. vns ermordet han.
daz ist so gvoten degenen. her vil selten noch getan.

Do wart der kuniginne. rehte daz geseit.
daz ir boten niht enwrben. von schulden was ir leit.
do svogte si; sit anders. vil grimmech was ir mvot.
des mosen sit engelten. degene choene vnde gvot.

